

Ertzaintzaren operazioa Bilbon eta ondorengoak

Milaka lagun bildu zen Hernanin Juan Mari Ormazabalen omenaldian

«Ez dugu pausu bat ere atzera emango», idatzi zuen 'Turkok' familiari bidalitako gutunean

Hernaniko Gudarien Plaza betetzen zuen jendetzak agur esan zion Juan Maria Ormazabal 'Turkori' bere omenez antolatuko ekitaldian. Zazpi t'erdietan, senide eta lagunek udaletxeko areto nagusitik gorpua atera zuten eta plazan bildutako jendeak txalo bero eta omenezko oihuen artean hartu zuen.

HERNANI

Bertsoak, poemak, anai-arreben hitz batzuk, txalapartaren doinua, aureskua, Agustin Ezponda Hernaniko alkate ohiaren hitzaldia edo Gorka Martinez KASeko kidearen hitzak omenaldiaren parte izan baziren ere, unerik zirraragarriena bere anaiak Juan Mari Ormazabalen azken gutuna, familiari bidalitakoa, irakurri zuenekoia izan zen. Idazteko unerik ez zuela aurkitzen esan ondoren, «oso ondo nago, moralez eta osasunez» esaten zien bere familia-koei. Jaietan, bazkaltzeko elkartzen zirenean, berarekin gogoratuko zirela esaten zien, bera oroitzen zen bezala.

«Beharbada urduri ibiliko zarete hortik niri buruz esaten ari direnaz —idatzi zien aurrerago—, ez dut baieztatzen ez ezeztatzen, etsaiak nahi duena Euskal Herriaren borroka pertsonifinatzea da, eta egunen batean interesatzen bazaie Artapaloren ordekoa naizela esango dute, gorabehera guzti horiekin nahi dute adierazi bi edo hiru garela bakarrik borrokan ekintzak egiten».

«Guk ez dugu pausu bat ere atzera emango —jarraitzen zuen gutunak—, eta negoziatzen jarri arte jarraituko dira Barcelonako ekintzen modukoak».

HARITZ KIMUA 'TURKOENEAN' Omenaldia txalapartaren doinuarekin hasi zen, eta ordurarte jendea etengabean pasa zen udaletxeko aretotik, Juan Mari Ormazabalen gorpua ikustearren.

Bertsotan jarraitu zuen, Hernaniko hiru bertsolariren eskutik. «Juan Mari eskaini digu eman lezakeen guztia, gure herria salbatu nahian galdu du bere bizia», kantatu zuen haietako batek. «Poliziak eta Ertzaintzak errepresioz ez dute hilko herri honen esperantza», beste batek.

Ekitaldiaren hitzaldi politikoen aurretik, Juan Mariren anaiak eta honen emazteak erakutsi zuten 'Turkokoren' omenez landutako duten haritz kimua. Kimu hau errautsak haizeratuko diren tokian, 'Turkoenea' baserri ondoko haritzaren inguruan landutako da. Gorpua, segurunik, asotelehenean erreko dute Derioko hilerrian eta errautsen haizeratzea publikoa izango da familiaren borondatez.



Ormazabalen gorpua udaletxean jarriarik egon zen eta jende ugari hurbildu zen ikustera.

C. VILLAGRAN

✓ Juan Mari Ormazabalen errautsak astelehenean haizeratuko dira 'Turkoenea' baserriko haritzaren inguruan.

ERTZAINZAREN MAISUA POLIZIA

Ekintza politikoren barruan, Gorka Martinezek hitzegin zuen KASen izenean. Juan Mari Ormazabalen heriotzaren «arduradun eta errudun» dela Ertzaintza esan zuen. Azkeneko operazio polizialen emaitza ikusita, «Estatu espainola euskal militanteen kontra heriotz zigorra aplikatzen ari dela eta errematatuta hiltzen dituztela garbi dago» Martinezek esan zuenez.

«Baina Ertzaintzaren maisuak dira orain Goardia Zibila eta Polizia Nazionala dira, Ertzaintzaren barruan daude, bai Gasteiz eta bai Madril, hala nahi dutelako» izan ziren bere hitzak.

Bilboko operazioarekin, Ertzaintzak «salto handia» egin duela esan zuen Gorka Martinezek. «Baina euskal zipaioak eta Estatuko indar errepresiboak ez dira gauza bera —jarraitu zuen—, garbi dago euskal enfrontamendua sortu nahi dutela, baina guk ezetz esaten diogu enfrontamentu horri, ez dugu nahi eta ez gara joko horretan sartuko».

Agustin Ezponda, orain arte Hernaniko alkate izandakoa ere hitzegin zuen. Juan Mari Ormazabalen aldeko hitzak izan zituen, «bera delako Euskal Herriaren borrokaren

✓ «Goardia Zibila eta Polizia Nazionala dira orain Ertzaintzaren maisuak» adierazi zuen Gorka Martinezek.

fruitua». «Zergatik ez hemen gauden guztiok pixka bat eman, beste batzuk, Turkok bezala dena ez emateko» esan zien Ezpondak bildutako koei.

Eako alkateak gorpua udalean jartzeari emandako ezetza gogoratu zuen Ezpondak, Hernanin hau gertatzen den lehen aldia delako.

LEHENENGO OMENALDIA BILBON

Basurtoko ospitale-tik goizeko bederatzieta atera zuten Juan M^a Ormazabal 'Turkokoren' gorpua. Depositaren aurrean dozenaka lagun bildu ziren omenaldia eskaintzeko, hauen artean Ormazabalen aita eta ama, arreba eta senitatekoak, lagunak eta baita HBko zenbait kide.

Ormazabalen lagun eta senitatekoek atera zuten krespoi belzdun ikurrina eta ETaren anagrama zuten hilkutxa depositotik. 'Eusko Gudariak' abestu zuten Hernaniko bidea hartu zuen.

Mila pertsona inguru zegoen zain Hernaniko Zinkoenean eta hantxe hartu zuten lepoan hilkutxa senide, lagun eta HBko Mahai Nazionalako bi kide (Joxemari Olarra eta Iñaki O'Shea). Jende multzoak udaletxe-raino lagundu zuen gorpua eta bertako areto batean jarri zuten herri-tarrek ikus ahal zezaten.

Hernanin greba orokorra izan zen Ormazabalen omenez

HERNANI

Pasa den ostegunean Bilbon hildako Juan Maria Ormazabalen heriotzagatik protestatzeko Koordinadora Abertzale Sozialistak (KAS) Hernanin deitutako greba orokorrak erantzun zabala izan zuen atzo herri horretan istilu aipagarriarik gabe, eguerdian denboraldi batez Zinkoenean trafikoa moztuta egon bazen ere. Erreterian eta Gipuzkoako beste zenbait herritan errepideak moztuta egon ziren atzoko goizean.

Hernani Udaltzaingok azaldu duenez, greba ia erabatekoa izan zela esan daiteke, herriko taberna, denda eta gainerako zerbitzu ia denek itxi bait zituzten euren ateak. Eguna pasa ahala, greba erabatekoa izan zen.

Juan Mari Ormazabalen gorpua Hernaniko udaletxean jarri zuten goizean, Bilbotik Hernanira heldu zenean. Bi neskatok dantzatu zioten omenezko aureskua udaletxeko atarian.

Ormazabalen gorpua udal areto batean egon zen omenaldiaren ordura arte eta bertatik ehundaka pertsona pasatu zen egun guztian azken agurra ematera eta hilotza belatzen zuten senideei doluminak ematera.

Hernaniko udaletxea itxita bazegoen ere, gopua heldu aurretik garabio baten laguntzarekin zenbait lagun leiho batetik sartu ziren barrura.



Goizean Hernanira iristean aureskua dantzatu zioten bi harrek.

C. VILLAGRAN



Ikurrinez inguratutik egon zen 'Turkokoren' hilkutxa omenaldian.

C. VILLAGRAN